

及陰圖不軌。皆漢無賴亡命者。潛竄其案。為引誘。嚴懲漢奸。則小醜自無跳梁患矣。

書沔陽陸帥失陷江寧事

薛福成

兵部尚書總督兩江沔陽陸建瀛。字立夫。以道光季年。由監司致大用。頗英銳。任事好談經濟。有蹇然當官之稱。亦稍結納賢士大夫。一時名流如淑浦嚴正基。仙舫邵陽魏源。默深。上元梅曾亮。伯言。元和陳奐。碩甫等。皆為所羅致。又謹事當路諸公。得其驩心。諸公既驚歎其能。爭為揄揚。由是聲望蹕起。眷倚日隆。天下有大政。益坤之咸豐二年。粵賊出嶺。越洞庭湖而北。勢張甚。陸帥時在豐工。督辦河南合龍事宜。嘗從容語幕客。羣盜弄兵。無堅不摧。然實魁遠。略當今。若無任事者耳。因屬草疏。擬戰守事四條以上。文宗嘉之。諭令察度軍情。如必親往扼要調度。可即酌量籌辦。不為遙制。又令分飭文武大員。於水陸要衝。節節嚴防。毋稍疏虞。陸帥疏言。小孤山扼長江要隘。然小孤山設防。不如在上游黃蘗等處設防。上授為欽差大臣。并賞還頭品頂戴。命與江蘇巡撫楊文定。馳守江寧。冬十月。陸帥由豐工還江寧。

與將軍巡撫等會籌防務。調兵募勇。倉卒未集。上游羽書狎至。寇警日棘。乃以十二月庚寅。祀纛出師。奏稱東西梁山及荻港。各需兵千人防守。請由江蘇安徽巡撫。如數酌撥。從之。先是陸帥派兵三千。往防湖北武穴。下游之老鼠峽。至是遴壽春鎮總兵恩長為翼長。以濟師。俾率松江提標兵二千先行。陸帥自率續到。兵數百。親軍數百。與員弁幕客。乘舟溯江。倍道前進。三年春正月。丙午朔。賊去武昌。盡銳東趨。俘男女數十萬。舳艫十萬。中江而下。新舊賊循兩岸夾江分馳。當是時。海內承平。久武備日弛。綠營兵尤積疲不可用。陸帥兩次所遣進防。老鼠峽之兵。皆畸零湊集。兵將不習。分數不明。既到。防棧舟江岸。并不度地為營。自固綠營兵於濬濠築壘。亦本非所諳。偶或登岸操演。飾虛藝以炫衆。見者皆目笑之。聞賊將至。膽寒氣索。船已漸稀矣。乙酉夜。恩長與賊遇。陸兵進戰。中礮墮江。死師潰。陸帥先以十二月乙巳晦。次九江。休兵數日。已知賊棄武昌而東。乃命移舟上駛。逢潰卒白恩長敗狀。從兵聞之。兇懼。返棹順流疾行。蓋距九江未遠也。今紀載家謂陸帥以丙辰日抵廣

濟之龍坪。不知龍坪在九江上游百餘里。賊於甲寅日。已陷九江。豈有安行兩日。不遇一賊之理。此殆奏牘鋪飾之辭。非事實也。江西巡撫張芾。駐守九江。亦引軍退。賊居九江五日。九江已空。無人賊無可戀。悉衆進。賊安慶。陸帥連小舟夜過小孤山。是時有標兵數百。駐營山椒。安徽按察使張熙宇。督礮船泊山趾。名為防守。衆固知其不足恃也。然小孤山兀峙江中。歸然為東南屏障。其峯斜對南岸。彭郎磯南寬里許。北寬半里。兩岸縱礮。均及中流。彭郎磯背倚江濱。尤宜置堅臺巨礮。若使豫為措注。憑要害以格勅寇長驅之勢。即可徐籌戰守。相機截擊。而乘其敝。惟築臺制礮。非經營數年不為功。且必有精練陸軍及水師。互相聯絡。方收實用。無論當事者未見及此。即使知之甚明。復有其事權才力。而賊勢如潮涌。如風雨之驟至。亦斷不暇辦此。則亦不能盡為不辦者咎也。陸帥徑越小孤。不敢留標兵礮船。一夕不知所往。自是賊直瞞瀕江數千里。如入無人境矣。陸帥乘肩輿過安慶城外。巡撫蔣文慶登陴問戰事。陸帥憑軾搖手曰。賊勢浩大。萬不可敵。蔣公邀入城同守。不聽。

壬戌。賊陷安慶。蔣公殉焉。甲子。陸帥至江寧。隨行僅十七人。并兩舟而已。蓋自九江以下。水陸兼行。凡七晝夜。而達會城。并撤蕪湖荻港板子磯防兵。歸東西梁山。聲言將親督廣艇暨舢舨。進防東西梁山。未及行。師船已不戰而退。將軍等致書。趣令仍赴上游迎勦。不答。請結營城外。為犄角。亦不答。將軍等詣商戰守事。稱疾不出。凡閉閣謝客者三日。楊文定稱總督已歸。即日拜疏。移守鎮江。於是將軍祥厚。提督福珠。洪阿。副都統霍隆武。布政使祁宿藻。會疏劾總督巡撫。喪師避寇。狀有詔。陸建瀛前已革職。著交祥厚。擊問。委員解刑部治罪。楊文定革職。留任。率同文武防守鎮江。祥厚兼署欽差大臣。臣兩江總督。然驛程相距二千里。比奉詔旨。已在城將陷時矣。賊居安慶三日。運藩庫銀三十餘萬兩。漕米四十餘萬石。登舟去。仍留賊守安慶。丙寅。陷太平。庚午。陷蕪湖。辛未。福山鎮總兵陳勝光。以水師逆戰蕪湖。衆潰。勝光中礮墮江。死。壬申。賊前隊薄江寧。周視城外形勢。城上槍礮齊發。賊斂軍不動。甲戌。大隊悉到。聯營二十四座。賊船自新洲大勝關。至七里洲。麇集。莫紀其